

**SPORAZUM O NAUČNOJ, ISTRAŽIVAČKOJ I STRUČNOJ SARADNJI IZMEĐU
VISOKE ŠKOLE „CEPS – CENTAR ZA POSLOVNE STUDIJE“ IZ KISELJAKA (U
DALJEM TEKSTU: „CEPS“)**

I

**SAMOSTALNI SINDIKAT DRŽAVNIH SLUŽBENIKA I NAMJEŠTENIKA U
ORGANIMA DRŽAVNE SLUŽBE, SUDSKOJ VLASTI I JAVNIM USTANOVAMA U
FEDERACIJI BOSNE I HERCEGOVINE (U DALJEM TEKSTU: „SU FBIH“)**

Vođeni željom i potrebom za uspostavljanjem međusobne saradnje u oblasti istraživanja, projektnim aktivnostima i jačanju struke,

Spremni na efikasnu saradnju koja će doprinijeti razmjeni iskustava i znanja,

Potvrđujući zajedničko zalaganje i interes za unaprijeđivanjem saradnje u oblasti naučnog istraživanja i jačanja civilnog društva u BiH,

„CEPS“ i „SU FBIH“ su se usaglasili o slijedećem:

**Svrha i oblast saradnje
Član 1.**

Saradnjom će se uspostaviti partnerski odnosi između strana u stručnoj, edukativnoj, izdavačkoj i naučno-istraživačkoj oblasti.

**Način ostvarivanja saradnje
Član 2.**

Strane će međusobno sarađivati kroz razne oblike, a posebno kroz:

1. Mogućnost zajedničkog organizovanja naučno-istraživačkih aktivnosti, konferencija, simpozija, seminara, radionica,
2. Razmjenu stručnih i naučnih informacija kroz razmjenu časopisa, elektronskih časopisa, publikacija, udžbeničke literature i drugog stručnog materijala, resursa i usluga na osnovu reciprociteta,
3. Razmjenu stručnog osoblja,
4. Izradu, aplikaciju i realizaciju zajedničkih i pojedinačnih istraživačkih projekata,
5. Promociju individualnih kontakata među akademskim i stručnim kadrom,
6. Poticaj aktivnosti od zajedničkog interesa obje institucije,
7. Proučavanje problema od zajedničkog interesa i pronalaženje najboljih načina njihovog rješavanja,
8. Mogućnost plaćanja na rate troškova studija za članove SUFBiH,
9. Druge oblike saradnje od zajedničkog interesa.

Svojstvo člana SUFBiH dokazuje se članskom iskaznicom, uz koju se obavezno predoči i lična karta.

Upotreba dokumentacije i stručnih radova
Član 3.

Strane će, uz potpuno uvažavanje autorskih prava i zaštite ličnih podataka, voditi računa koje analize ili druge stručne radove i do koje mjere mogu učiniti dostupnima javnosti i drugim nadležnim organima.

Izmjene i dopune Sporazuma
Član 4.

Ovaj Sporazum podliježe izmjenama i dopunama, uz pisanu saglasnost obje strane.

Važenje Sporazuma
Član 5.

Ovaj Sporazum se zaključuje na neodređeno vrijeme, a stupa na snagu danom potpisivanja.



Prestanak Sporazuma
Član 6.

Sporazum prestaje važiti njegovim otkazom jedne od strana u pisanom obliku.

Član 7.

Ovaj Sporazum je sastavljen u dva (2) istovjetna primjerka, od kojih svaka strana zadržava po jedan (1) primjerak.

Broj: 1808/25
Datum: 17.10.2025. godine

Za „CEPS“  _____ Doc. dr. Mirzo Selimić, direktor			Za „SUFBiH“  _____ Samir Kurtović, predsjednik
---	---	--	--